



МОНГОЛ УЛС  
САНХҮҮГИЙН ЗОХИЦУУЛАХ ХОРООНЫ  
ТОГТООЛ

2011 оны 08 сарын 24 өдөр

Дугаар 250

Улаанбаатар хот

Г “Шарын гол” ХК-ийн нийтэд санал болгон  
нэмж гаргаж буй хувьцааг бүртгэх тухай

Санхүүгийн зохицуулах хорооны эрх зүйн байдлын тухай хуулийн 6.2.2, Үнэт цаасны зах зээлийн тухай хуулийн 7 дугаар зүйл, 34.1.7, Компанийн тухай хуулийн 43, “Шарын гол” ХК-ийн 2010 оны 8 дугаар сарын 31-ний өдрийн хувь нийлүүлэгчдийн хурлын 01 дүгээр тогтоол, тус компанийн Төлөөлөн удирдах зөвлөлийн 2011 оны 8 дугаар сарын 22-ны 18 дугаар тогтоолыг тус тус үндэслэн Санхүүгийн зохицуулах хорооноос ТОГТООХ нь:

1. “Шарын гол” ХК-ийн нийтэд санал болгон гаргасан энгийн хувьцааны тоог нийт 1,707,404 /нэг сая долоон зуун долоон мянга дөрвөн зуун дөрөв/ ширхэг энгийн хувьцаагаар нэмэгдүүлэн үнэт цаасны бүртгэлд нэмж бүртгэн тус компанийн нийт хувьцааг нэг бүр нь 100 төгрөгийн нэрлэсэн үнэ бүхий 10,231,389 /арван сая хоёр зуун гучин нэгэн мянга гурван зуун наян ес/ ширхэг байхаар үнэт цаасны бүртгэлд өөрчлөлт оруулахыг Үнэт цаасны газар /С.Тулгаа/-т үүрэг болгож, Хөрөнгийн биржийн жагсаалтад өөрчлөлт оруулахыг “Монголын хөрөнгийн бирж” ХК /Х.Алтай/, төвлөрсөн хадгаламжийн бүртгэлд өөрчлөлт оруулахыг Үнэт цаасны төвлөрсөн хадгаламжид бүртгэхийг “ҮЦТТТХТ” ХХК /Т.Гандулам/-д тус тус зөвшөөрсүгэй.

2. Дээрх нэмж гаргаж буй энгийн хувьцааны компанийн хувьцаа эзэмшигчдэд тэргүүн ээлжинд худалдан авах санал болгох үнийг Төлөөлөн удирдах зөвлөлөөс гаргасан тогтоолыг үндэслэн 11,117 /арван нэгэн мянга нэг зуун арван долоо/ төгрөгөөс доошгүй байхаар тогтоохыг зөвшөөрч, энэхүү тогтоолын 1-д заасан хувьцааг компанийн хувьцаа эзэмшигчдэд хувьцааг тэргүүн ээлжинд худалдан авах эрхийг эдлүүлж, энэ тэргүүн ээлжинд худалдан авах саналыг энэхүү тогтоол батлагдсан өдрөөс хойш хуульд заасан хугацаа, журмын дагуу зохион байгуулж, гүйцэтгэлийг Хороонд тайлагнаж, олон нийтэд мэдээлэхийг “Монголын хөрөнгийн бирж” ХК /Х.Алтай/, “Шарын гол” ХК /С.Насанбат/, “Би Ди Сек” ХК /Д.Даянбилгүүн/-д тус тус үүрэг болгосугай.

3. “Шарын гол” ХК-ийн хувьцаа эзэмшигчдийн тэргүүн ээлжинд худалдан авах эрхээ хэрэгжүүлээгүй үлдсэн хувьцааг олон нийтэд санал болгон захиалгын бүртгэлийн аргаар анхдагч зах зээлд санал болгох доод үнийг үнэт цаасны танилцуулгад заасны дагуу 11,117 /арван нэгэн мянга нэг зуун арван долоон/ төгрөгөөр тогтоохыг зөвшөөрсүгэй.

4. Нэмж гаргаж буй хувьцааг “Шарын гол” ХК-ийн хувьцаа эзэмшигчдэд тэргүүн ээлжинд худалдан авахыг санал болгох, нийтэд санал болгон арилжаалах ажиллагааны дүнд төсөл хэрэгжүүлэхэд шаардлагатай 17,748,464,580 /арван долоон тэрбум долоон зуун дөчин найман сая дөрвөн зуун жаран дөрвөн мянга таван зуун наян/ төгрөгийн 80-аас доошгүй хувийг төвлөрүүлж чадсан нөхцөлд үнэт цаасыг нийтэд санал болгон худалдах ажиллагааг амжилттай болсонд тооцохоор тогтсугай.

5. “Шарын гол” ХК-ийн хувьцаа эзэмшигчдийн тэргүүн ээлжинд худалдан авах эрхийн дагуу хувьцааг худалдан авах хүсэлтийг хүлээн авч дуусгах, нэгдсэн бүртгэл гарган худалдан авсан үнэт цаасыг өмчлөх эрхийг шилжүүлэх үнэт цаасны арилжааг олон нийтэд санал болгон гаргах анхдагч зах зээлийн арилжаатай зэрэг зохион байгуулахыг “Монголын хөрөнгийн бирж” ХК /Х.Алтай/-д, “Шарын гол” ХК /С.Насанбат/-д, “Би Ди Сек” ХК /Д.Даянбилгүүн/-д тус тус үүрэг болгосугай.

6. Энэ тогтоолын 3-т заасан мөнгөн хөрөнгийг төвлөрүүлэх боломжтой болсон тохиолдолд “Монголын хөрөнгийн бирж” ХК-иар дамжуулан хийгдэх уг үнэт цаасны анхдагч зах зээлийн арилжааг зогсоох, “Шарын гол” ХК-ийн нэмж гаргасан үнэт цаасны анхдагч зах зээлийн арилжааны тайланг Хороонд ирүүлэхийг “Монголын хөрөнгийн бирж” ХК /Х.Алтай/-д даалгасугай.

7. Энэ тогтоолын 1-д заасан хувьцааг нийтэд санал болгон үнэт цаасны анхдагч зах зээлд гаргасан өдрөөр тасалбар болгон “Шарын гол” ХК-ийн том хувьцаа эзэмшигчид болох “Файрбөрд Глобал Мастер Фанд” ХХК, “Файрбөрд Глобал Мастер Фанд II” ХХК, “Файрбөрд Монголиа Фанд”, “Шарын гол Энерго”, “Могул ресорсес” ХХК-иудын өмчлөл дэх “Шарын гол” ХК-ийн энгийн хувьцаануудыг тус бүр хоёр жилийн хугацаагаар тусгаарлахыг “ҮЦТТТХТ” ХХК /Т.Гандулам/-д үүрэг болгосугай.

8. Энэ тогтоолын 6 дахь заалтаар тусгаарлалт хийсэн нь нэр дурдагдсан 5 хувьцаа эзэмшигчдийн хооронд хийгдэх үнэт цаасны өмчлөх эрхийг шилжүүлэх ажиллагааг хязгаарлахгүй болохыг тэмдэглэсүгэй.

9. “Шарын гол” ХК-ийн үнэт цаасны анхдагч зах зээлийн арилжаа амжилттай явагдаж дууссаны дараа Хорооноос олгосон зөвшөөрлийн үндсэн дээр хоёрдогч зах зээлийн арилжааг нээхийг “Монголын хөрөнгийн бирж” ХК /Х.Алтай/-д үүрэг болгосугай.

10. Тус компанийн нэмж үнэт цаас гаргах шийдвэрийг хэрэгжүүлэхтэй холбогдуулан дор дурьдсан арга хэмжээг авч хэрэгжүүлэхийг “Шарын гол” ХК /С.Насанбат/, “Би Ди Сек” ХК /Д.Даянбилгүүн/-д тус тус үүрэг болгосугай:

1/ энэ тогтоолын 1-д заасан 1,707,404 /нэг сая долоон зуун долоон мянга дөрвөн зуун дөрөв/ ширхэг хувьцаа гаргах тухай үнэт цаасны танилцуулгыг Үнэт цаасны газраар баталгаажуулан, уг үнэт цаасны танилцуулгад үндэслэн үнэ төлбөргүйгээр олон нийтэд нийтлэг мэдээлэл хүргэх, хувьцаа эзэмшигчдийн хууль ёсны эрхийг ханган, хуулиар хүлээсэн үүргээ чанд биелүүлж ажиллах;

2/ үнэт цаасны танилцуулгад заасан хуваарийн дагуу үнэт цаасыг нийтэд санал болгох ажлыг зохион байгуулж, арилжаалагдаагүй үлдсэн хувьцааг үнэт цаасны бүртгэлээс хасуулах эсэх асуудлыг Хороонд тавьж шийдвэрлүүлэх;

3/ үнэт цаасны анхдагч зах зээлийн арилжаа явагдсанаас хойш ажлын 5 хоногт багтаан компанийн хувь нийлүүлэгчдийн хурлыг зарлан хуралдуулах шийдвэрийг холбогдох баримтын хамт Хороонд ирүүлэх.

11. Үнэт цаасны зах зээлийн тухай хуулийн 10 дугаар зүйл болон Санхүүгийн зохицуулах хорооны 2007 оны 206 дугаар тогтоолоор батлагдсан “Үнэт цаасны зах зээлийн мэдээллийн нэгдсэн сангийн тухай журам”-д заасан мэдээллийг цаг тухайд нь тогтмол ирүүлж, хууль тогтоомжоор хүлээсэн үүргээ чанд биелүүлж ажиллахыг “Шарын гол” ХК /С.Насанбат/-д үүрэг болгосугай.

12. Үнэт цаасыг нийтэд санал болгон худалдах ажиллагаа амжилттай болсон тохиолдолд үнэт цаас худалдсаны орлого буюу үнэт цаас гаргагч “Шарын гол” ХК-ийн дансанд байршсан мөнгөн хөрөнгийг тус компани хувь нийлүүлэгчдийнхээ хурлыг

шинэчилсэн бүрэлдэхүүнтэйгээр зарлан хуралдуулж, төслийг хэрэгжүүлэх, хөрөнгө оруулалтыг захиран зарцуулах болон удирдлагын бүтцэд өөрчлөлт орох талаар холбогдох шийдвэрийг гаргаж тус Хороонд ирүүлэх хүртэл хугацаанд тусгаарлахыг “ҮЦТТХТ” ХХК /Т.Гандулам/-д үүрэг болгосугай.

13. “Шарын гол” ХК-ийн нийтэд санал болгон худалдсан үнэт цаасыг худалдан авсан хувьцаа эзэмшигчдийн тус компанийн хувь нийлүүлэгчдийн хуралд оролцох эрхийг хангах зорилгоор Хорооны 2008 оны 141 дүгээр тогтоолоор батлагдсан “Хувьцаат компанийн хурлын зар мэдээг хүргэх тухай журам”-ын 2.6 дахь заалт тус компанийн хувь нийлүүлэгчдийн хурлыг зохион байгуулахад үйлчлэхгүй болохыг тогтоож, хувь нийлүүлэгчдийн хуралд оролцох эрхтэй хувьцаа эзэмшигчдийн нэрсийн жагсаалтыг гаргах “бүртгэлийн өдөр”-ийг хувь нийлүүлэгчдийн хурал хуралдах өдрийн өмнөх өдөр байхаар тогтоосугай

ДАРГА

Д.БАЯРСАЙХАН